

張

子

野

詞

張子野詞卷一

中華書局上海

吳興 張編 手稿書

正宮

醉垂鞭

東池

雙蝶繡羅裙東池宴初相見朱粉不深勻閑花淡淡春
細看諸處好人人道柳腰身昨日亂山昏來時衣上
雲

二 贈琵琶娘年十二

朱粉不須施花瓊一作瓊 枝小春偏好嬌妙近勝衣輕羅紅

張子野詞卷十一

霧垂 琵琶金畫鳳雙條重倦眉低啄木細聲遲黃蜂
花上飛

中呂宮

南鄉子

京口

何處可魂銷京口終朝兩信潮不管離心千疊恨滔滔
催促行人動去橈 記得舊江臯綠楊輕絮幾條條春
水一篙殘照闊遙遙有箇多情立畫橋

二 中秋不見月。一作南徐中秋

潮上水清渾棹影輕於水底雲去意徘徊無柰淚衣巾

猶有當時粉黛痕 海近古城昏暮角
沙雁隊分令夜相思 應看月無人露冷依前獨掩門

菩薩蠻

怨別

憶郎還上層樓曲樓前芳草年年綠
綠似去時袍回頭風袖飄郎袍應已舊
顏色非長久惜恐鏡一作鑑 中春不如花草新

二

頻見

聞人語一作話 著仙卿一作宣鄉 字嗔情恨意還須一作相 喜何況草長時酒前頻共一作見 伊 嬌香堆寶帳月到梨花

上心事兩人知掩燈羅幕一作幔

垂

三不至

夜深不至春蟾見令人更更情飛亂

一作香輒不至春
午令人轉更猜

飛語翠幙動風亭時疑響屩聲花香聞水榭幾誤飄衣

麝不忍下朱扉遠廊重待伊

四

簾紋衫色嬌黃淺釵頭秋葉玲瓏翦輕怯瘦腰身紗窗
病起人相思魂欲絕莫話新秋別何處斷離腸西風

昨夜涼

五

牡丹含露真珠顆
美人折向簾前過
含笑問檀郎
花強妾貌強
檀郎故相惱
剛道花枝好
花若勝如娘
花還解語無

踏莎行

金鳳猶溫籠鸚一作迴尚睡宿妝稀
淡眉成字映花避月上行
廝珠裙褶褶輕垂地
翠幙成波新荷貼水紛紛
煙柳一作絮低還起重牆繞院更重門
春風無路通深意

二

波湛橫眸雙分膩臉盈盈笑動籠香鬢有情未結鳳樓
歡無憀愛把歌眉斂密意欲傳嬌羞未敢斜偎象板
還偷嬾輕輕試問借人慚徉不覲雲鬟點

感皇恩

萬乘輶袍御紫宸揮毫數疋藻盡經綸第名天陛首平
津東堂桂重占一枝春殊觀聲譽紳蓬山仙話重清
恩新暫時趨府冠謫賓十年外身是鳳池人

西江月

體態看來隱約梳妝好是家常禮槽初抱更安詳立向

樽前一行 小打登鉤 怕重儘纏繡帶由長嬌春鶯舌
巧如簧飛在四條弦上

慶金枝

合歡曲

青螺添遠山兩嬌眉笑時圓抱雲勾雪近燈看妍處不
堪憐一作算何處不堪憐 今生但願無離別花月下繡屏前雙
蠶成繭共纏綿更結後生緣一作更重
結後生緣

浣溪沙

夏

輕羅來時不破塵石榴花映石榴裙有情應得撞腮春
一作有情應解惜
青春○惜一作憶 夜短更難留遠夢日高何計一作許

學行雲樹深

一作聲

鶯過靜無人

相思兒令

情月

春去幾時還
問桃李無言
燕子歸栖風緊
梨雪亂西園
猶有月嬋娟似人人難近
如天願教清影長
相見更乞取長圓

師師令

春興

一作贈美人

香鉅寶珥拂菱花
如水學妝皆道稱
時空粉色有天然
春意錚綵衣長勝
未起縱飄雲霞

一作垂地

都城池苑誇桃李
問東風何似不須回
扇障清歌脣一點小於珠

子一作朱藥
一作正是值一作殘英和月墜寄此情千里

山亭燕慢有美堂贈彥猷主人

燕亭一作永晝喧簫鼓倚青空畫欄紅柱玉瑩紫微人

藹和氣春融日煦故宮池館更樓臺約風月今宵何處
湖水動鮮衣競拾翠湖邊路落花蕩漾愁一作怨空樹

曉山靜數聲杜宇天意送芳菲正黯淡疎煙逗雨新歡
寧似舊歡長此會散幾時還聚試爲挹飛雲問解寄相
思否

謝池春慢玉仙觀道中逢謝媚卿

繚牆重院時聞有啼鶯到繡被掩一作堆餘寒畫幕一作閣

明新曉朱檻連空闊飛絮無一作知多少徑莎平池水渺

日長風靜花影閑相照 墓香拂馬逢謝女城南道秀

豔一作麗過施粉多媚生輕笑鬪色鮮衣薄碾玉雙蟬小

歡難偶一作韻春過了琵琶流怨一作都入相思調

惜雙雙

溪橋寄意

城上層樓天邊路殘照裏平蕪綠樹傷遠更惜春暮有人還在高高處 斷夢歸雲經日去無計使哀弦寄語相望恨不相遇倚橋臨水誰家住

南呂宮

江南柳

隋堤

隋堤遠波急路塵輕今古柳橋多送別見人分袂亦愁
生何況自關情斜照後新一作圭月上西城城上樓高
重倚望願身能似月亭亭一作月華明千里伴君行

八寶裝

錦屏羅幌初睡起花陰轉重門閉正不寒不暖和風細
雨困人天氣此時無限傷春意憑誰訴厭厭地這淺
情薄倖千山萬水也須來裏

一叢花令

案此闋又載六一詞

傷高

一作春

懷遠幾時窮無物似情濃離愁心

一作正引一作

恁千絲亂更東

一作南

陌飛絮濛濛嘶騎漸遙征塵不斷

何處認郎蹤

雙鴛池沼水溶溶南北小橈

一作橋通梯

橫畫閣黃昏後又還是斜

一作新

月簾櫳沈思細恨

一作沈恨

細思不如桃杏猶解嫁東

一作春風

道調宮

案西江月感皇恩前入中呂

宮此二闋別入道調宮俟攷

西江月

泛泛春船載樂溶溶湖水平橋高鬟照影翠煙搖白紵

一聲雲杪倦醉天然玉軟弄妝人惜花嬌風情遺恨
幾時銷不見廬郎年少

感皇恩

安車少師訪閑道大資同遊湖山

廊廟當時共代工睢陵千里遠約過從

一作睢陵千里約遠相從

知賓主與誰同宗枝內黃閣舊有三公廣樂起雲中

湖山看畫軸兩仙翁

武林嘉語一作佳話幾時窮元豐際德

星聚照江東

仙呂宮

燕春臺慢

東都春日李閣使席上

麗日千門紫煙雙闕瓊林

一作樓

又報春回殿閣風微

時去燕還來五侯池館頻屏

一作

開探芳菲走馬天街重

簾人語轔轔繡軒

一作車轔

遠近輕雷 雕觴霞濫翠

幙雲飛楚腰舞柳宮面妝梅金猊夜暖羅衣暗裏香煤

洞府人歸放笙歌燈火下樓臺蓬萊

一作放笙歌燈火
樓臺下蓬萊一無

字放猶有花上月清影徘徊

好事近

和毅夫內翰梅花

月色透橫枝短葉小花

一作葩

無力北客一聲長笛怨江

南先得 誰交強半臘前開多情爲春憶畱取大家沈

須 一作醉 正幸 一作雨 休風息

二

燈燭上山堂香霧緩生寒夕前夜雪清梅瘦已不禁輕
摘雙歌聲斷一作未徹 寶杯空妝光豔瑤席相好一作趁笑
聲歸去有隨人月色

大石調

清平樂

屏山斜展帳卷紅綃半泥淺曲池飛海燕風度楊花滿
院雲情雨意一作雲愁雨恨 空深覺來一枕春陰隴上梅花

落盡江南消息沈沈

二 李閣使席

清歌逐酒膩臉生紅透

一作醉臉
鮮霞透

櫻小杏青寒食後衣

換縷金輕繡

畫堂新月朱扉嚴城夜鼓聲

一作歸

遲細

看玉人嬌妝

一作面春光

一作工不在花枝

醉桃源

落花浮水樹臨池年前心眼期見來無事去還思如一

而

今花又飛

淺螺黛淡臙脂開花

一作開妝

取次空隔簾

燈影

一作風雨似誤

閉門時此情風

一作江月知

二

歌停鶯語舞停鸞
高陽人更閒
獸噴煙燼玉壺
乾茶分小鳳團
雲浪淺露珠丸
嬌聲春筍寒絳紗籠下
据金鞍歸時人未眠

三

湘天風雨破寒初
深沈庭院虛麗譙
吹罷小單于迢迢
清夜徂
鄉夢斷旅魂孤
崢嶸歲又除
衡陽猶有雁傳

書郴陽和雁無

恨春遲

雙蓮

好夢才成又斷日晚起

一無日字一作日曉起一作因晚起

雲艸一作梳

鬟秀臉拂新紅酒

一作滴

入嬌眉眼薄衣減春寒

紅一作

短柱溪橋波平岸畫閣外落日西山不分

一作忿

閒花竝

帝秋藕連根何時重得雙眠

一作蓮

二

欲借紅梅薦飲望隴驛音信沈沈住在柳州東岸彼此
相思夢去難尋乳燕來時花期寢淡月墜將曉還陰
爭奈多情易感音信無憑如何消遣得初心

雙調

慶佳節

莫風流莫風流風流後有閒愁花滿南園月滿樓偏使我憶歡遊我憶歡遊無計柰除卻且醉金甌醉了醒來春復秋我心事幾時休

二

芳菲節芳菲節天意應不虛設對酒高歌玉壺闕慎莫負狂風月人閒萬事何時歇空贏得鬢成雪我有閒愁與君說且莫用輕離別

採桑子

雪意

水雲薄薄天同色竟日清輝風影輕飛花發瑤林春未
知剡溪不辨沙頭路粉一作湖水平堤姑射人歸記得
歌聲與舞時

御街行

送蜀客

畫船橫倚煙溪半春入吳山徧主人憑客且遲留程入
花溪遠一作還遠數聲蘆葉兩行霓袖幾處成離宴紛
紛歸騎亭皋晚風順檣鳥轉古今爲別最銷魂因別有
情須怨更獨自儘上高臺望望盡飛雲斷一本云高臺
獨上不堪凝

望月與
飛雲斷

玉聯環

送臨淄相公

都人未逐風雲散
願畱離宴不須多
愛洛城春黃花一作一閣
訪歸來晚葉落灞陵如翦淚沾歌扇無由重有日
邊來上馬便長安遠

二

南齋夜飲

來時露裏一作浥衣香潤綵絲垂鬟卷簾還喜月相親把
酒更一作與花相近西去陽關休問未歌先恨玉峯山
下水長流流水盡情無盡

武陵春

秋染青溪天外水

一作秋染
青溪在水

風棹采菱還波上逢郎密

意傳語近隔叢蓮

相看忘卻歸來

一作

路遮日小荷

圓

一作家在柳城前

菱蔓雖多不上船心眼在郎邊

定風波

有情

素藕抽條未放蓮晚蠶將繭不成眠若比相思如亂絮

一作緒

何異兩心俱被暗絲牽

暫見欲歸還

一作皆

是恨

莫問有情誰信道無緣有

一作正

似中秋雲外月皎潔不

團圓待幾時圓

百媚娘

眼前

珠闕

一作閣

五雲仙子未省有誰能似百媚筭應天乞與

淨飾

豔妝俱美若

一作若字取次芳華皆

一作無俱

可意何處比

一作無桃李

蜀被錦紋鋪水不放綵鴛雙戲樂事也知

存後會爭柰眼前心裏綠皺小池紅疊砌花外東風起

夢仙鄉

寄遠一作寄越

江東蘇小天斜窈窕都不勝綵鸞嬌妙春蠶上新妝肌

肉過人香佳樹陰陰池院華燈繡幔花月好可

一作貲

能長見離聚此生緣無計問天天

一作何計
問高天

歸朝歡

聲轉轆轤聞露井曉引銀鉤牽素綆西園人語夜來風
叢英飄墜紅成徑寶猊煙未冷蓮臺香蠟殘痕凝等身
金誰能得意買此好光景 粉落輕妝紅一作溫玉瑩月

枕橫釵雲墜領有情無物不雙樓文禽只合常交頸畫
長歡豈定爭如翻作春宵永日曠曠嬌柔嬾起簾押殘

花影

一作簾帳
卷花影

相思令

一作長相思

蘋滿溪柳遶堤相送行人溪水西回

一作歸時隴月低

煙霏霏風

一作雨淒淒重倚朱門聽馬嘶寒鷗相對飛云

寒鴉相
對啼

少年遊

紅葉黃花秋又老
疎雨更西風
山重水遠雲閒天淡遊
子斷腸中
青樓薄倖何時見
細說與這忡忡念遠離
情感時愁緒應解與人同

賀聖朝

淡黃衫子濃妝了
步縷金鞋小愛來
書幌綠窗前半和
嬌笑 謝家姊妹詩名空杳
何曾機巧爭如奴道春來
情思亂如芳草

生查子

當初相見時彼此心蕭洒近日見人來卻恁相謾讏
休休休便休美底交他且似沒伊時更不思量也

小石調

夜厭厭

昨夜小筵歡縱燭房深舞鸞歌鳳酒迷花困共厭厭倚
朱弦未成歸弄 峽雨忽收尋斷夢依前是畫樓鐘動
爭拂雕鞍忿忿去萬千恨不能相送

昨夜佳期初共饌
雲低翠翹金鳳樽
前含笑不成歌意
偷期眼波微送
峽雨豈容成楚夢
夜寒深翠簾霜重
相看還到斷腸時
月西斜畫樓鐘動

迎春樂

城頭畫角催夕宴
憶前時小樓晚殘虹
數尺雲中斷愁送
目天涯遠 枕清風
停畫扇逗纏簟碧紗零亂
怎生得伊來今夜裏
銀蟾滿

鳳栖梧

夜宴

密宴厭厭一作未休
池館暮天漢沈沈
借得春光住紅翠鬪

爲長袖舞香檀拍過驚鴻翥
明日不知花在否今夜圓蟾後夜憂風雨可惜歌雲容易去東城楊柳東城一作來路時

張子野詞卷一

張子野詞卷二

吳興 張先 子野

歇指調

雙燕兒

榴花簾外飄紅
藕絲罩小屏
風東山別後
高唐夢短猶喜相逢
幾時再與眠
香翠悔舊歡
何事忽忽芳心念
我也應那裏
蹙破眉峯

卜算子慢

溪山別意煙樹去
程日落采蘋春日晚
欲上征鞍更掩翠

簾相眄

翠簾下一
同面二字

惜彎彎淺黛長長眼柰畫閣歡遊

也學狂花亂絮輕散

水影橫池館對靜夜無人月高

雲遠一晌凝思兩袖淚痕還滿

淚痕還滿
下
有難遣二字

恨私書

又逐東風斷縱西北

一作
夢澤層樓萬尺丈

望重

一作
城湖

那見

林鍾商

更漏子

三首

錦筵紅羅幕翠侍燕美人姝麗十五六解憐才勸人深
酒杯黛眉長檀口小耳畔向人輕道柳陰曲是兒家

門前紅杏花

二

星斗稀鐘鼓歇簾外曉鶯殘月蘭露重柳風斜滿庭階
落花虛閣上倚欄望還似去年惆悵春欲暮思無窮
舊歡如夢中

三 流杯堂席上作

相君家賓宴集秋葉曉霜紅溼簾額動水紋浮纈花相
對流一作綵花
和水流薄霞衣一作裳酣酒面重抱琵琶輕按
迴畫撥抹幺弦一聲飛露噪一作蟬

南歌子

醉後和衣倒愁來
殢酒醺因人天氣近清明
盡日厭厭
臉淺含顰 睡覺 恨依然
月映門楚天何處覓
行雲唯有暗燈殘漏伴銷魂

二

蟬抱高高柳蓮開淺淺波
倚風疎葉下庭柯
况是不寒不暖正清和
浮世歡會少
勞生怨別多
相逢休惜醉
顏酡
賴有西園明月照笙歌

三

殘照催行棹乘春拂去衣海棠花下醉芳菲無計少畱
君住淚雙垂 煙染春江暮雲藏閣道危行行聽取杜
鵑啼是妾此時離恨盡呼伊

蝶戀花

臨水人家深宅院堦下殘花門外斜陽岸柳舞麌塵千
萬線青樓百尺臨天半 樓上東風春不淺十二欄干
盡日珠簾捲有個離人凝淚眼淡煙芳草連雲遠

二

檻菊愁煙蘭泣露羅幕輕寒燕子雙來去明月不諳離

恨苦斜光到曉穿朱戶 昨夜西風彫碧樹獨上高樓
望盡天涯路欲寄彩牋兼尺素山長水闊知何處

三

綠水波平花爛熳照影紅妝步轉垂楊岸別後深情將
爲斷相逢添得人留戀 累輒絲輕無繫絆煙惹風迎
併入春心亂和淚語嬌聲又顚行行儘遠猶回面

四

移得綠楊栽後院學舞一作漸學宮腰二月青猶短不比灞

陵多送遠殘絲亂絮

一作千絲萬縷

東西岸 幾葉一作度小舟

寒不展莫

一作休

唱陽關

一作賈

個腸先斷

一作無

分付與春

休

一作春

細看

一作春春不答

條條盡是離人怨

訴衷情

花前月下暫相逢
苦恨阻從容
何況酒醒夢斷花謝月
朦朧
花不盡
月無窮
兩心同
此時願作楊柳千絲絆
惹春風

二

數枝金菊對芙蓉
零落意忡忡
不知多少幽怨和淚泣
東風
人散後
月明中
夜寒濃
謝娘愁
臥潘令
閒眠往

事何窮

木蘭花

邠州作

青錢

一作銅

貼水萍無數臨曉西湖春漲雨泥新輕燕面

前飛風慢落花衣上住

紅裙空引

一作解

煙娥一作蛾聚

雲月卻能隨馬去明朝何處上高臺回認玉峯山下路

二

西湖楊柳風流絕滿縷青春看贈別牆頭簌簌暗飛花

山外陰陰初落月

秦姬穠麗雲梳髮持酒唱

一作聽歌

畱晚發驪駒應解惱人情

一作應亦解人情

欲出重城嘶不歇

三

樓下雪飛樓上宴歌咽笙簧聲韵顫樽前有個好人人
十二欄干同倚徧簾重不知金屋晚信馬歸來腸欲
斷多情無奈苦相思醉眼開時猶似見

減字木蘭花

詠舞。一作贈伎

垂螺近額走上紅裯初趁拍只恐輕飛擬倩遊絲惹住

伊

一作衣

文鴛繡履去似楊花

一作流風

塵不起舞徹伊州

頭上宮花

一作花枝顫未休

少年遊

井桃

碎霞浮動曉朦朧春意與花濃一作通 銀瓶素綆玉泉金
鑿眞色浸朝紅 花枝人面難常見青子小叢叢韶華
長在明年依舊相與笑春東一作風

二

帽簷風細馬蹄塵常記探花人露英千樣粉香無盡羣
地酒初醞一作秦地 酒初醞一作秦地 探花人向漸一作 花前老花上舊
時春行歌聲外一作裏 靚妝叢裏須貴少年身

醉落魄

詠佳人吹笛

雲輕柳弱內家髻要一作子 新梳掠生香眞色人難學橫

管孤吹月淡天垂幕 朱脣淺破桃花一作櫻桃夢倚樓誰

一作人在闌干角夜寒手一作指冷羅一作春

衣薄聲入霜林

簫簫驚飛一作梅落

喜朝天

清暑堂贈蔡君謨

曉一作晚雲開睨仙館陵虛步入蓬萊玉宇瓊華對青林

近歸鳥徘徊風月頓消一作從今

清暑野色對帶一作

江山助

詩才簫鼓宴璇題寶字浮動持杯 人多送目天際一作

天多送識渡舟帆小時見潮回故國千里共十萬室日
無際

日春臺睢社朝一作廟京非遠正和羹民口渴鹽梅佳景

在吳儂還望分閻重來

破陣樂

錢塘

四堂互映雙門竝麗龍閣開府郡美東南第一望故苑
樓臺霏霧垂柳池塘流泉巷陌吳歌處處近黃昏漸更
安良夜簇簇一少一簇字繁星燈燭長衢如晝暝色韶光幾
許一作簾粉面飛甍朱戶和煦一作歡遇雁齒橋紅裙腰草
綠雲際寺林下路酒熟梨花賓客醉但覺滿山簫鼓盡
朋遊同一作因民樂芳菲有主自此歸從泥詔去指沙堤
南屏水石西湖風月好作千騎行春畫圖寫取

三字令

春欲盡日遲遲牡丹時羅幌掩繡簾垂彩牋書紅粉淚
兩心知人不見燕空歸負佳期香燼冷枕閒欹月方
明花淡薄惹相思

中呂調

菊花新

墮髻慵妝來日暮家在畫一作柳橋堤下住衣緩絳綃垂
瓊樹裏一枝紅霧院深池靜嬌一作相如粉牆低樂
聲時度長恐舞筵空輕化作彩雲飛去

虞美人

案此闋又載馮延己陽春集

畫堂新霽情蕭索深夜垂珠箔洞房人睡月嬋娟梧桐
雙影上珠軒立堦前高樓何處連宵宴塞管聲幽怨
一聲已斷別離心舊歡拋棄杳難尋恨沈沈

二

案此闋亦載陽春集

碧波簾幕垂朱戶簾下鶯鶯語薄羅依舊泣青春野花
芳草逐年新事難論鳳笙何處高樓月幽怨憑誰說
亭亭殘照上梧桐一時彈淚與東風恨重重

三

苕花飛

一作落

盡汀風定苕水天搖影畫船羅綺滿溪春

一曲石城清響亮

一無亮字

入高雲壺觴昔歲同歌舞

一笑

今日無歡侶

一年少

南園花少故人稀月照玉樓依舊

有一無似當時有字

醉紅妝

瓊枝玉樹不相饒薄雲衣細柳腰一般妝樣百般嬌

眉眼細好如描

一作秀總如描

東風搖草百雜花飄恨無

計上青條更起雙歌郎且飲郎未醉有金貂

天仙子

時爲嘉禾小倅以病眠不赴府會

水調數聲持酒聽。午醉醒來愁未醒。送春春去幾時回。
臨晚鏡。傷流景。往事後期空記省。沙上竝禽池上暝。
雲破月來花弄影。重重簾幙密遮燈。風不定。人初靜。明
日落紅應滿徑。

二 鄭毅夫移青社

持節來時初有雁。十萬人家春已滿。龍標名第鳳池身。
掌阜遠江橋晚。一見障一作湖山看未徧。鄴扇欲收歌
淚。濺亭下花空羅綺散。檣竿漸向望中疎。旗影轉鼙聲。
斷惆悵不如船尾燕。

菩薩蠻

玉人又是忽忽去馬蹄何處垂楊路殘日倚樓時斷魂
郎未知欄干移倚徧薄倖教人怨明月卻多情隨人
處處行

高平調

怨春風

無由且住綿綿恨似春蠶緒見來時餉還須去月淺燈
收多在偷期處今夜掩妝花下語明朝芳草東西路
願身不學相思樹但願羅衣化作雙飛羽

于飛樂令

寶奩開菱鑑靜一掬清蟾新妝臉旋學花添蜀紅衫雙繡蝶裙縷鶼鶼尋思前事小屏風巧一作仍畫江南怎空交一作教草解宜男柔桑暗又過春蠶正陰晴天氣更暝色相兼幽期消息曲房西碎月篩簾

臨江仙

自古傷心惟遠別登山臨水遲留暮塵衰草一番秋尋常景物到此盡成愁況與佳人分鳳侶盈盈粉淚難收高城深處是青樓紅塵遠道明日忍回頭

江城子

鏤牙歌板齒如犀串珠齊畫橋西雜花池院風幙卷金
泥酒入四肢波入鬢嬌不盡翠眉低

疑佚下闋

轉聲虞美人

又名胡搘練嘗上送唐彥猷

使君欲一作少醉離亭酒酒醒離愁轉有紫禁多一無時
多字時

盧右茗一作清嘗留難久一聲歌掩雙羅袖日落亂山

一作
汀花春後猶有東城煙柳青蔭長依舊

燕歸梁

去歲中秋玩桂輪河漢淨無雲今年江上共瑤樽都不

是去年人 水精宮殿琉璃臺閣紅翠兩行分點脣機
動微破秀眉顰清影外見微塵一作歌塵

二

夜月一作夜夜啼鳥促亂弦江樹遠無煙缺多圓少柰何天
愁只恐下關山 粉香生潤衣珠弄彩人月兩嬋娟留
連殘夜惜餘歡人月在又明年

酒泉子

亭下花飛月照妝樓春欲曉珠簾風蘭燭燼怨空閨
迢迢何處寄相思玉筋零零腸斷屏嶂深更漏永夢魂

迷

二

人散更深堂上孤燈暗下月早梅愁殘雪白夜沈沈
闌前偷唱繫瓊簪前事總堪惆悵寒風生羅衣薄萬般
心

三

春色融融飛燕未來鶯未語露桃寒風柳曉玉樓空
天長煙遠恨重重消息燕鴻歸去枕前燈窗外雨閉簾

櫳

四

亭柳霜凋一夜愁人窗下睡繡幃風蘭燭焰夢遙遙
金籠鸚鵡怨長宵籠畔玉箏弦斷隴頭雲桃源路兩魂
銷

五

芳草長川柳映危橋堤下路歸鴻飛行人去碧山連
風微煙澹雨蕭然隔岸馬嘶何處九迴腸雙臉淚夕陽

天

定西番

年少登瀛詞客飄逸氣拂晴霓盡帶江南春色過長淮

一曲豔歌畱別翠蟬搖寶釵此後吳姬一作娃難見且

徘徊

仙呂調

案天仙子前卷入中呂宮醉桃源前卷入大石調俟攷

河傳

一作怨王孫

花暮春去都門東路嘶馬將行江南江北十里五里郵
亭幾程程高城望遠看回睇煙細晚碧空無際今夜
何處一作高城漸遠重凝睇煙容細
晚碧空無際不知今夜何處冷落衾幃欲眠時

偷聲木蘭花

雪籠瓊苑梅花瘦外院重扉聯寶獸海月新生上得高
樓無沒一作奈情簾波不動凝一作銀釭小今夜夜長爭
得曉欲夢高唐只一作忘恐覺來添斷腸

二

畫橋淺映橫塘路流水滔滔春共去目送殘一作斜暉燕
子雙高蝶對飛風花將盡持杯送往事只成清夜夢
莫更登樓坐想行思已是愁

醉桃源

渭州作

雙花

一作歌連袂近香覩歌隨鑼板齊分明珠索漱煙溪

凝雲定不飛 脣破點齒編犀春鶯莫亂啼陽關更在
碧峯西相看翠黛低

千秋歲

數一作幾聲鶗鴂又報芳菲歇惜春去一去字無更把殘紅折

雨輕風色暴梅子青時節永豐桺無人盡日飛花雪

莫把幺弦撥怨極弦能說天不老情難絕心似雙絲網
中有千千結夜過也東窗未白凝殘月一作孤燈滅

天仙子

別渝州

醉笑相逢能幾度爲報江頭春且住主人今日是行人

紅袖舞清歌女憑仗東風交點取 三月柳枝柔似縷
落絮儘一作倦飛還戀樹有情寧不憶西園鶯解語花無數應訝使君何處去

般涉調

漁家傲

和程公闢贈別

巴子城頭青草暮巴山重疊相逢處燕子占巢花脫樹
杯且舉瞿塘水闊舟難渡 天外吳門清霅路君家正
在吳門住贈我柳枝情幾許春滿縷爲君將入江南去

來詞云折柳贈君君且住

張子野詞卷二

張子野詞補遺上

知不足齋輯錄

天仙子

觀舞

十歲手如芽子筍
固愛弄妝偷傅粉
金蕉併爲舞時空
紅臉嫩輕衣褪春
重日濃花覺困 斜雁軋弦隨步趁
小鳳纍珠光遶鬢密教持履恐仙飛
催拍緊驚鴻奔風
袂飄飄無定準

二 公擇將行

坐治吳州成樂土 詔卷風飛來聖語
親輿乞得便蕃歸 瑶席主杯休數清夜爲君歌白苧
花接舊枝新藥吐

造化不知人有助看花歲歲比甘棠嘉月暮東門路只
恐帶將春色去

南鄉子

送客過餘溪聽天隱二玉鼓胡琴

相泣細腰身時樣宮妝一樣新曲項胡琴魚尾撥離人
入塞弦聲水上聞天碧染衣巾血色輕羅碎摺裙百
卉已隨霜女妬東君暗折雙花借小春

少年游

渝州席上和韻

聽歌持酒且休行雲樹幾程程眼看簷牙手搓花藥未
必兩無情拓夫灘上聞新雁離袖掩盈盈此恨無窮

遠如江水東去幾時平

定風波令

碧玉篦扶墜鬢雲鶯黃衫子退紅裙妝樣巧將花草競
相竝要教人意勝於春酒眼茸茸香拂面見丹青
寧似鏡中眞自是有情偏小小向道江東誰信更無人

二次子瞻韻送元素內翰

浴殿詞臣亦議兵禁中頗牧黨羌平詔卷促歸難自緩
溪館綵花千數酒泉清春草未青秋葉暮去一家
行色萬家情可恨黃鸝相識晚望斷湖邊亭上不聞聲

三 再次韻送子瞻

談辨纔疏堂上兵畫船齊岸暗潮平萬乘靴袍曾好問
須信文章傳口齒牙清三百寺應遊未徧筭湖山
風物豈無情不獨渠丘歌叔度行路吳謠終日有餘聲

四 雷溪席上同會者六人楊元素侍讀劉孝叔吏
部子瞻公擇二學士陳待舉賢良

西閣名臣奉詔行南牀吏部錦衣榮中有瀛仙賓與主
相遇平津選首更神清溪上玉樓同宴喜歡醉對堤
杯葉惜秋英盡道賢人聚吳分試問也應傷一作有老

人星

木蘭花

人意共憐花月滿
花好月圓人又散
歡情去逐遠雲空
往事過如幽夢斷
草樹爭春紅影亂
一唱雞離 作聲
千萬怨任教遲日更添長
能得幾時擡眼看

二 和孫公素別安陸

相離徒有相逢夢
門外馬蹄塵已動
怨歌畱待醉時聽
遠目不堪空際送
今宵風月知誰共
聲咽琵琶槽上鳳
人生無物比多情
江水不深山不重

三 宴觀文畫堂席上

檀槽碎響金絲撥露溼尋陽江上月不知商婦爲誰愁
一曲行人畱晚發 畫堂花入新聲別紅藥調高彈未
徹暗將深意語膠弦長願弦絲無斷絕

四 送張中行

插花勸酒鹽橋館召節促行龍闕遠吳船漸起晚潮生
蠻榦未空寒日短 慶門奕世隆宸眷歸到月陂梅已
綻有情願寄向南枝圖得洛陽春色看

五 去春自湖歸杭憶南園花已開有當時猶有藥如梅之句今歲還鄉南園花正盛復爲此詞以

寄意

去年春入芳菲國青藥如梅終忍摘蘭邊徒欲說相思
綠螭密纖朱粉飾歸來故苑重尋覓花滿舊枝心更
惜鴛鴦從小自相雙若不多情頭不白

六 乙卯吳興寒食

龍頭舴艋吳兒競筍柱秋千游女竝芳洲拾翠暮忘歸
秀野踏青來不定行雲去後遙山暝已放笙歌池院
靜中庭月色正清明無數楊花過無影

七 席上贈同邵二生

輕牙低掌隨聲聽合調破空雲自凝殊娘翠黛有人描

瓊女分鬟待誰併
弄妝俱學閑心性固向鸞臺同照影雙頭蓮子一時花天碧秋池水如鏡

傾杯

吳興

橫塘水靜花窺影孤城轉浮玉無塵五亭爭景畫橋對起垂虹不斷愛溪上瓊樓凭雕闌久飛雲遠人在虛空月生溟海寒漁夜汎游鱗可辨正是草長蘋老江南地暖汀洲日晚更茶山已過清明風雨暴千巖啼鳥怨芳菲故苑深紅盡綠葉陰濃青子枝頭滿使君莫放尋春緩

二

飛雲過盡明河淺天無畔草色栖螢霜華清暑輕颶弄
袂澄瀾拍岸宴玉塵談賓倚瓊枝秀挹雕觴滿午夜中
秋十分圓月香槽撥鳳朱弦軋雁正是欲醒還醉臨
空悵遠壘更疊換對東西數里回塘恨零落芙蓉春不
管籠燈待散誰知道座有離人目斷雙歌伴煙江艇子
歸來晚

離亭宴

公擇別吳興

捧黃封詔卷隨處是離亭別宴紅翠成輪歌未徧已恨

張子野詞補遺上

五
知不足齋叢書

野橋風便此去濟南非久惟有鳳池鸞殿 三月花飛
幾片又減卻芳菲過半千里恩深雲海淺民愛比春流
不斷更上玉樓西歸雁與征帆共遠

沁園春

寄都城趙闕道

心膂良臣帷幄元勳左右萬幾暫武林分閫東南外翰
錦衣鄉社未滿瓜時易鎮梧臺宣條朞歲又西指夷橋
千騎移珠灘上喜甘棠翠蔭依舊春暉 須知繫國安
危料節召還趨浴鳳池且代工施化持鈞播澤置孟天
下此外何思素卷書名赤松游道飈馭雲輶仙可期湖

山美有啼猿唳鶴相望東歸

感皇恩

徐鐸狀元

延壽芸香七世孫華軒承大對見經綸溟魚一息化天
津袍如草三百騎從清塵玉樹瑩風神同時棠棣萼
一家春十年身是鳳池人蓬萊閣黃閣主遲一作共談賓

憶秦娥

參差竹吹斷相思曲情不足西北有樓窮遠目憶若
溪寒影透清玉秋雁南飛速菰草綠應下溪頭沙上宿

繫裙腰

惜濃一作霜蟾照夜雲天朦朧影畫勾欄人情縱似長情
月筭一年年又能得幾番圓欲寄西江題葉字流不
到五亭前東池始有荷新綠尙小如錢問何日藕幾時
蓮

清平樂

青袍如草得意還年少馬躍綠螭金絡腦寒食乍臨新
曉曲池斜度鸞橋西園一片笙簫自欲賡留春住風

花無柰飄飄

偷聲木蘭花

曾居別乘康吳俗民到於今歌不足驪馭征鞭一去東
風十二年重來卻擁諸侯騎寶帶垂魚金照地和氣
融人清嘗千家日日春

菩薩蠻

佳人學得平陽曲纖纖玉筍橫孤竹一弄入雲聲海門
江月清髻搖金鉢落惜恐櫻脣薄聽罷已依依莫吹
楊柳枝

二

藕絲衫翦猩紅窄衫輕不礙瓊膚白綬鬢小橫波花樓

東是家 上湖閑盪槳粉艤芙蓉樣湖水亦多情照妝
天底清

三七夕

牛星織女年年別 分明不及人閒物匹鳥少孤飛斷沙
猶竝栖 洗車昏雨過 缺月雲中墮斜漢曉依依暗蛩
還促機

四

雙針競引雙絲縷 家家盡道迎牛女 不見渡河時 空聞
烏鵲飛 西南低片月 應恐雲梳髮 寄語問星津 誰爲

得巧人

慶春澤

飛閣危橋相倚人獨立東風滿衣輕絮還記憶江南如
今天氣正白蘋花遠堤漲流水 寒梅落盡誰寄方春
意無窮青空千里愁草樹依依關城初閉對月黃昏角
聲傷煙起

二與善歌者

豔色不須妝樣風韻好天真畫毫難上花影灑金尊酒
泉生浪鎖欲留春傷花爲春唱 銀塘玉宇空曠冰齒

映輕脣藥紅新放聲宛轉疑隨煙香悠颺對暮林靜寥寥振清響

玉聯環

南園已恨歸來晚芳菲滿眼春工偏上好花多疑不向空枝暖惜恐紅雲易散叢叢看徧當時猶有藥如梅問幾日上東風綻

玉樹後庭花

上元

華燈火樹紅相鬪往來如晝河橋水白天青訶別生星斗落梅穠李還依舊寶釵沽酒曉蟾殘漏心情恨雕

鞍歸後

二

寶牀香重春眠覺
鯉窗難曉新聲麗
色千人歌後庭清
妙青驄一騎來
飛鳥靚妝難好至
今落日寒蟾照臺

城秋草

卜算子

夢短寒夜長
坐待清霜曉
臨鏡無人爲整妝
但自學孤鸞照
樓臺紅樹杪
風月依前好
江水東流郎在西
問尺素何由到

雙韻子

鳴鞘電過曉闌靜斂龍旛風定鳳樓遠出霏煙聞笑語
中天迴清光近歡聲竟鶯鶯集仙花鬪影更聞度曲
瑤山升瑞日春宮永

鵲橋仙

星橋火樹長安一夜開徧紅蓮萬藥綺羅能借日鈔本
後段重城閉月相犯今從月與刻本細案詞意似宜作月
中春風露細天清似水重
城閉月青樓誇樂人在銀潢影裏畫屏期約近收燈歸
步急雙鴛欲起

醉垂鞭

錢塘送祖擇之

酒面濫金魚吳娃唱吳潮上玉殿白麻書待君歸後除
勾畱風月好平湖曉翠峯孤此景出關無西州空畫

圖

定西番

秀眼綬生千媚釵玉重髻雲低寂寂抱妝羞淚怨分攜
鴛帳願從今夜夢長連曉雞小逐畫船風月渡江西

二

執胡琴者九人

錆撥紫槽金觀雙秀萼兩回鸞齊學漢宮妝樣競嬋娟

三十六弦蟬鬧小弦蜂作團聽盡昭君幽怨莫重彈

望江南

與龍觀

青樓宴覩女薦瑤杯一曲白雲江月滿際天拖練夜潮
來人物誤瑤臺 醉醺酒拂拂上雙腮媚臉已非朱淡
粉香紅全勝雪籠梅標格外風塵
一作埃

少年遊慢

春城三二月禁柳飄綿未歇仙簾生香輕雲凝紫臨層
闕歌掌明珠滑酒臉紅霞發華省名高少年得意時節
畫刻三題徹梯漢同登蟾窟玉殿初宣銀袍齊脫生

仙骨花探都門曉馬蹠芳衢
闊宴罷東風鞭梢一行飛
雪

翦牡丹

舟中聞雙琵琶

野綠連空天青垂水素色溶漾都淨柔柳搖搖墜輕絮
無影一作柳徑無人墮飛絮無影汀洲日落人歸修巾薄袂擷香拾
翠相競如解凌波泊煙渚春暝綵縞朱索新整宿繡
屏畫船風定金鳳響雙槽彈出今古幽思誰省玉盤大
小亂珠迸酒上妝面花豔媚相竝重聽盡漢妃一曲江

空月靜

畫堂春

外潮蓮子長參差霧山青處鷗飛水天溶漾畫橈遲人
影鑑中移 桃葉淺聲雙唱杏紅深色輕衣小荷障面
避斜暉分得翠陰歸

芳草渡

雙門曉鎖響朱扉千騎擁萬人隨風鳥弄影畫船移歌
時淚和別怨作秋悲 寒潮小渡淮遲吳越路漸天涯
宋王臺上爲相思江雲下日西盡雁南飛

二

主人宴客玉樓西風飄雪忽零霏唐昌花藥漸平枝浮
光裏寒聲聚隊禽栖驚曉日喜春遲野橋時伴梅飛
山明日遠霽雲披溪上月堂下水併春輝

御街行

天非花艷輕非霧來夜半天明去來如春夢不多時去
似朝雲何處一作無覓處遠一作孔雞栖燕落星沈月一作落月沈星
紦紦城頭鼓參差漸辨西池樹珠閣斜開戶綠苔深
徑少人行苔上屐痕無數餘香遺粉一作殘香餘粉剩衾閒枕
一作開衾天把多情付

衾剩枕

蘇幕遮

柳飛綿花實少。縷板音清淺。發江南調斜日兩竿畱碧
馬足重重又近青門道。去塵濃人散了。回首旗亭
漸漸紅裳小。莫訝安仁頭白早。天若有情天也終須老
武陵春

每見韶娘梳鬢好。釵燕傷雲飛。誰掬彤霞露染衣玉透
柔肌。梅花瘦雪梨花雨。心眼未芳菲。看著嬌妝聽柳
枝人意覺春歸

醉落魄

吳興莘老席上

山圍畫障風溪弄月清溶漾玉樓茗館人相望下簷
醡競欲金釵當使君勸醉青娥唱分明仙曲雲中響
南園百卉千家賞和氣兼不獨花枝上

長相思

潮溝在金陵上元之西

粉豔明秋水盈桺樣纖柔花樣輕笑前雙鬢生寒江
平江櫓鳴誰道潮溝非遠行回頭千里情

更漏子

杜陵春秦樹晚傷別更堪臨遠南去信欲憑誰歸鴻多
北歸小桃枝紅蓓發今夜昔時風月休苦意說相思

少情人不知

浣溪沙

樓倚春江百尺高
煙中還未見歸橈
幾時期信似江潮
花片片飛風弄蝶
柳陰陰下水平橋
日長才過又今宵

醉桃源

仙郎何日是來期
無心雲勝伊
行雲猶解傍山飛
郎行去不歸
強勻一作自畫又芳菲
春深輕薄衣
桃花無語

伴相思
陰陰月上時

行香子

案此闋又載六一詞

舞雪歌雲閑淡妝勻藍溪水深染輕裙酒香醺臉粉色
生春更巧談話美情性好精神江空無畔凌波何處
月邊橋青柳朱門斷鐘殘角又送黃昏柰心中事眼中
淚意中人

熙州慢

贈述古

武林鄉占第一湖山詠畫爭巧鷺石飛來倚翠樓煙靄
清猿啼曉況值禁垣師帥惠政流入歡歌一作謠朝暮萬
景寒潮弄月亂峯回照天使尋春不早併行樂免有

花愁花笑持酒更聽紅兒肉聲長調瀟湘故人未歸但
目送遊雲孤鳥際天杪離情盡寄芳草

虞美人

述古移南郡

恩如明月家家到無處無清照一帆秋色共雲遙眼力
不知人遠上江橋願君書札來雙鯉古汴東流水宋
王臺畔楚宮西正是節趣歸路近沙堤

泛青苕

又名感皇恩正月十四日與公擇吳興泛舟

綠淨無痕過曉霽清苔鏡裏遊人紅柱一誤妝巧綵船穩
當筵主祕館詞臣吳娃勸飲韓娥唱競豔容左右皆春

學爲行雨傷畫槳從教水濺羅裙 溪煙混月黃昏漸
樓臺上下火影星分飛檻倚斗牛近響簫鼓遠破重雲
歸軒未至千家待掩半妝翠箔朱門衣香拂面扶醉卸
簪花滿袖餘溫

惜瓊花

汀蘋白苔水碧每逢花駐樂隨處歡席別時攜手看春
色螢火而今飛破秋夕 早一作沐一無早字河流如帶窄任
身輕似葉何計歸得一作任輕似葉計歸得 斷雲孤鶩青山極樓
上徘徊無盡相憶

河滿子

陪杭守泛湖夜歸

溪女送花隨處沙鷗避樂分行遊舸已如圖障裏小屏
猶畫瀟湘人面新生酒豔日痕更欲春長 衣上交枝
鬪色釵頭比翼相雙片段落霞明水底風紋時動妝光
賓從夜歸無月千燈萬火河塘一作湖塘

勸金船

流杯堂唱和翰林主人元素自撰腔

流泉宛轉雙開寶帶染輕紗皴何人暗得金船酒擁羅
綺前後綠定見花影並照與豔妝爭秀行盡曲名休更
再歌楊柳 光生飛動搖瓊瑩隔障笙簫奏須知短景

歡無足又還過清書翰閣遲歸來傳騎恨留住難久異

日鳳凰池上爲誰思舊

慶同天

卽怨王孫又名河傳

海寓稱慶復生元聖風入南薰拜恩遙闕衣上曉色猶
春望堯雲游鈞廣樂人疑夢仙聲共日轉旗光動無
疆帝一作聖算何待祝華封與天同

雨中花令

贈胡楚草

近鬢綵鈿雲雁細大雲雁
小雲雁好客豔花枝爭媚花枝
十二學雙燕同栖還竝翅子我合著你難分離合著這佛面前生

應布施

金浮圖

你更看峨眉下秋水

眉

似賽九底見他三

五二

湖正悶裏也須歡喜

悶子

江城子

小圓珠串靜慵拈夜厭厭下重簾曲屏斜燭心事入眉

尖金字半開香穗小愁不寐恨西蟾

以上六十三闋亦
園名家詞集錄補

○案名家詞集所刻子野詞有東坡居士題跋詞凡一百二十九闋刪其複見前集者六十六闋錄之如右

張子野詞補遺上

張子野詞補遺下

青門引

春思

乍暖還輕冷風雨晚來方定庭軒寂寞近清明殘花中
酒又是去年病 樓頭畫角風吹醒入夜重門靜那堪
更被明月隔牆送過秋千影

滿江紅

初春

飄盡寒梅笑粉蝶遊蜂未覺漸迤逦水明山秀暖生簾
幕過雨小桃紅未透舞煙新柳青猶弱記畫橋深處水
邊亭會偷約 多少恨今猶昨愁和悶都忘卻拚從前

爛醉被花迷著晴鵠試鈴一作鈴翎 風力軟雛鶯弄舌春寒

薄但愁錦繡鬧妝時東風惡

以上二闋花菴絕妙詞選錄補

漢宮春

蠟梅

紅粉苔牆透新春消息梅粉先芳奇葩異卉漢家宮額
塗黃何人鬪巧運紫檀翦出蜂房應爲是中央正色東
君別與清香仙姿自稱霓裳更孤標俊格非似誤非字雪

凌霜黃昏院落爲誰密解羅囊銀瓶注水浸數枝小閣
幽窗春睡起纖條在手厭厭宿酒殘妝

右一闋苑錄補

生查子

詠筆。案此闋又載六一詞

含羞整翠鬟得意頻相顧雁柱十三弦一一春鶯語

嬌雲容易飛夢斷知何處深院鎖黃昏陣陣芭蕉雨

浣溪沙

春闌。案此闌又見秦淮海詞

錦帳重重捲暮霞屏風曲曲鬪紅牙恨人何事苦離家
枕上夢魂飛不去覺來紅日又西斜滿庭芳草襯殘花

二

水滿池塘花滿枝亂香深裏語黃鸝東風吹軟弄簾幙
日正長時春夢短燕交飛處柳煙低玉窗紅子鬪茶

時

菩薩蠻

詠箏

哀箏一弄湘江曲聲聲寫盡江波綠纖指十三弦細將
幽恨傳當筵秋水慢玉柱斜飛雁彈到斷腸時春山
眉黛低

滿庭芳

漁舟

紅蓼花繁黃蘆葉亂夜深玉露初零霽天空闊雲淡楚
江清獨棹孤篷小艇悠悠過煙渚沙汀金鉤細絲綸慢
捲牽動一潭星時時橫短笛清風皓月相與忘形任

人笑生涯泛梗飄萍飲罷不妨醉臥塵勞事有耳誰聽
江風靜日高未起枕上酒微醒

以上五闋草堂詩餘補錄

菩薩蠻

五雲深處蓬山杳寒輕霧重銀蟾小枕上挹餘香春風
歸路長 雁來書不到人靜重門悄一陣落花風雲山
千萬重

二

青梅又是花時節粉牆閒把青梅折玉鐙偶逢君春情
如亂雲 藕絲牽不斷誰信朱顏換莫厭十分斟酒深

情更深

浪淘沙

腸斷送韶華爲惜楊花雪毬搖曳逐風斜容易著人容易去飛過誰家聚散苦咨嗟無計留他行人灑淚滴流霞今日畫堂歌舞地明日天涯

望江南

閨情

香閨內只自想佳期獨步花陰情緒亂謾將珠淚兩行垂勝會在何時厭厭病此夕最難持一點芳心無託處茶襟架上月遲遲惆悵有誰知

碧牡丹

晏同叔出姬

步帳搖紅綺曉月墮沈煙砌緩板香檀唱徹伊家新製
怨入眉頭斂黛峯橫翠芭蕉寒雨聲碎 鏡華翳閉照
孤鸞戲思量去時容易鈿盒瑤釵至今冷落輕棄望極
藍橋但暮雲千里幾重山幾重水

案道山清話云晏元獻爲京兆辟張先爲

通判新納侍兒公甚屬意先能爲詩詞公雅重之每張來邸令侍兒出侑觴往往歌子野所爲之詞其後王夫人寢不容公卽出之一日子野至公與之飲子野作此詞令營妓歌之至末句公聞之慨然曰人生行樂耳何自苦如此亟命於宅庫支錢若干復取前所出侍兒旣來夫人亦不復誰何也

漢宮春

玉減香銷被嬪娟誤我臨鏡妝慵無聊強開強解蹙破
眉峯憑高望遠但斷腸殘月初鐘須信道承恩不在貌
如何教妾爲容 風暖鳥聲和碎更日高院靜花影重
重愁來只待殢酒酒薄愁濃長門怨感恨無金買賦臨
邛翻動念年年伴女越溪共採芙蓉

以上六闋花
草粹編錄補

山亭宴

湖亭燕別

碧波落日寒煙聚望遙山迷離紅樹小艇載人來約樽
酒商量岐路衰柳斷橋西共攜手攀條無語水際見鷺
鳬一對對眠沙濱 西陵松柏青如故翦煙花幽蘭啼

露油壁閒花驄那禁得風吹細雨饒他此後更思量總
莫似當筵情緒鏡面綠波平照幾度人來去

右一闋西湖志錄補

西江月

贈別

憶昔錢塘話別十年社燕秋鴻今朝忽遇暮雲東坐對

一作對坐

旗亭說夢破帽手遮紅

一作斜

日練衣袖卷寒風

蘆花江上兩衰翁消得幾番相送

案此闋花草粹編從翰墨全書錄入作無

名氏近葛氏刻安陸集收之或別有所據姑附於此

張子野詞補遺下

子野詩筆老妙歌詞乃其餘波耳華州西溪詩云浮
萍破處見山影小艇歸時聞草聲又和余詩云愁似
鯢魚知夜永嬾同蝴蝶爲春忙若此之類皆可以追
配古人而世俗但稱其歌詞昔周昉畫人物皆入神
品而世但知有周昉士女蓋所謂未見好德如好色
者歟眉山蘇軾子瞻題

張都官以歌詞擅名當代與柳耆卿齊名尤以韻高
見推同調三中三影流聲樂府至今豔稱之而安陸
集獨見遺於汲古閣六十家詞刻之外誠詞壇憾事
也頃得綠斐軒鈔本二卷凡百有六闋區分宮調猶
屬宋時編次喜付汗青旣又得亦園十家樂府所刊
去其重複得六十三闋諸家選本中採輯一十六闋
次爲補遺二卷合計得詞一百八十四闋於是子野
詞收拾無遺矣昔東坡先生稱子野詩筆老妙可以
追配古人歌詞乃其餘事惜全集久亾無從綴輯以

存其梗概耳乾隆戊申臘月朔欽鮑廷博識